



05791

才調集卷第五



穀集

古律雜歌詩一百首

元稹五十七首

鈍吟云唐人詩全作體體自為一集者止元韓二家元有啟與令狐殷士自敏其體體之法甚悉○元公過於韓致光香奮韓太褻元差有骨末篇自悔之詞亦賦家曲終奏雅也

夢遊春七十韻

鈍吟云此即

會真記也

會真記也
才調集卷第五

五五雲堂

昔歲夢遊春。夢遊何所遇。夢入深洞中。遂果平生趣。清冷淺漫流。畫舫蘭篙渡。過盡萬株桃。盤旋竹林路。長廊抱小樓。門牖相迴互。樓下雜花叢。鼓邊遶鵝鷺。池光漾霞影。曉日初明煦。未敢上階行。頻移曲池步。烏龍不作聲。碧玉曾相慕。漸到簾幕間。徘徊意猶懼。閑窺東西閣。奇玩參差布。隔子碧油糊。駝鈎紫金鍍。逡巡日漸高。影響人將寤。鸚鵡飢亂鳴。嬌娃睡猶怒。簾開侍兒起。見我遙相諭。鋪設

繡紅茵。施張鈿裝具。潛寒翡翠帳。瞥見珊瑚樹。不
辨花兒人。空驚香若霧。身迴夜合偏。態斂晨霞聚。

睡臉桃破風。汗粧蓮委露。叢梳百葉髻。時勢頭金感重

臺屨。踏殿樣糾軟鈿頭裙。琴瑟色玲瓏合歡袴。夾纈名鮮妍脂粉

薄。暗澹衣裳故。最似紅牡丹。雨來春欲暮。夢魂良

易驚。靈境難久寓。夜夜望天河。無由重沿汜。結念

心所期。返如禪頓悟。覺來八九年。不向花迴顧。雜

合兩京春。喧闐衆禽護。我到看花時。但作懷仙句。

浮生轉經歷。道性尤堅固。近作夢仙詩。亦知勞肺

腑。一夢何足云。良時事婚娶。當年二紀初。嘉節三

星度。朝薜玉珮迎。高松女蘿附。韋門正全盛。出入

多歡裕。甲第漲清池。鳴騶引朱輅。廣榭舞菱粧。長

筵賓雜厝。青春詎幾日。華實潛幽蠹。秋月照潘郎。

空山懷謝傅。紅樓嗟壞壁。金谷迷荒戍。石壓破關

千門摧舊榷。桓。雖云覺夢殊。同是終難駐。悰緒竟

何如。焚絲不成絢。卓女白頭吟。阿嬌金屋賦。重壁

盛姬臺。青塚明妃墓。盡委窮塵骨。皆隨流波注。幸
有古如今。何勞嫌比素。況余當盛時。蚤歲諧如務。
詔冊冠賢良。諫垣陳好惡。三十再登朝。一登還一
仆。寵榮非不蚤。遭迴亦云屢。直氣在膏肓。氛氲日
沉痼。不言意不快。快意言多忤。忤誠人所賊。性亦
天之付。乍可沉爲香。不能浮作瓠。誠爲堅所守。未
爲明所措。事事身已經。營營計何設。美玉琢文珪。
良金填武庫。徒謂自堅貞。安知受礱鑄。長絲羈野
馬。密網羅陰兔。物外各迢迢。誰能遠相錮。時來既
若飛。禍速當如鶩。曩意自未精。此行何所訴。努力
去江陵。笑言誰與晤。江花縱可憐。奈非心所慕。石
竹逞姦黠。蔓菁誇畝數。一種薄地生。淺深何足妬。
荷葉水上生。團團水中住。瀉水置葉中。君看不相

污。默云奇
妙之語

桐花落

莎草遍桐陰。桐花滿莎落。蓋覆相團圓。可憐無厚

薄昔歲幽院中。深堂下簾幕。同在後門前。因論花
好惡。君誇沉檀樣。云是指搗作。暗澹滅紫花。拘連
感金萼。都繡六七枝。鬪成雙孔雀。尾上稠疊花。又
將金解絡。我愛看不已。君煩睡先着。我作繡桐詩。
繫君裙帶著。別來苦修道。此意都蕭索。今日竟相
牽。思量偶然錯。

夢昔時

閑窓結幽夢。此夢誰人知。夜半初得處。天明臨去
時。山川已久隔。雲雨兩無期。何事來相感。又成新
別離。

三言六

才調集卷第五

四

垂雲堂

恨粧成

曉日穿隙明。開帷理粧點。傅粉貴重重。施朱憐冉
冉。柔鬢背額垂。叢鬢隨釵斂。凝翠暈蛾眉。輕紅拂
花臉。滿頭行小梳。當面施圓靨。最恨落花時。粧成
獨披掩。

古決絕詞三首

鈍吟云微之弁雙文只是疑他有別好刻薄之極。二人情事如在目前細看只是元公負他。此首代雙文說。

乍可為天上牽牛織女星。不願為庭前紅槿枝。七月七日一相見。相見故心終不移。那能朝開暮飛去。一任東西南北吹。分不兩相守。恨不兩相思。對面且如此。背面當可知。春風撩亂伯勞語。況是此時拋去時。握手苦相問。竟不言。後期君情既決絕。妾意已參差。借如死生別。安得長苦悲。

默庵云此章立詞頗傷忠厚。

五十七

才調集卷第五

五

垂雲堂

鈍吟云詩人以敦厚為教元公如此宜其焚屍不成斂也。

噫春冰之將泮。何余懷之獨結。有美一人。於焉曠

絕。一日不見。比一日於三年。況三年之曠。別水得

鈍云此是他主意。

風。兮小而已。波筓在苞。兮高不見節。矧桃李之當

春。競衆人而攀折。我自顧悠悠。而若雲。又安能保

君。皚皚之如雪。感破鏡之分明。覩淚痕之餘血。幸

鈍云二語太刺薄。

他人之既。不我先。又安能使他人之終。不我奪。已

焉哉。織女別黃姑。一年一度暫相見。彼此隔河何

事無。

鈍吟云疑他有別好又放他不下忍心割捨作此以決絕至今讀之猶使人傷心也

夜。夜。相。抱。眼。幽。懷。尚。沉。結。那。堪。一。年。事。長。遣。一。宵。
說。但。感。久。相。思。何。暇。暫。相。悅。虹。橋。薄。夜。成。龍。駕。侵。
晨。列。生。憎。野。鵲。性。遲。迴。死。恨。天。雞。識。時。節。曙。色。漸。
瞳。矐。華。星。次。明。滅。一。去。又。一。年。一。年。何。可。徹。有。此。
迨。遞。期。不。如。死。生。別。天。公。隔。是。
鈍云隔是古語也唐詩多用 妬。相。憐。

二五

李詞集卷第五

六

垂雲堂

櫻桃花

櫻桃花。一枝兩枝千萬朶。花樽曾立摘花人。窣破羅裙紅似火。

曹十九舞綠鈿

急管清弄頻。舞衣纔攬結。含情獨搖手。雙袖參差列。騷。裊。柳。牽。絲。炫。轉。風。迴。雪。凝。眄。嬌。不。移。往。往。度。繁。節。

閨晚

紅裙委罇堦。玉爪斲朱橘。素臆光如砒。明瞳豔凝
溢。調絃不成曲。學書徒弄筆。夜色侵洞房。香煙透
簾出。

曉將別

風露曉淒淒。月下西牆西。行人帳中起。思婦枕前
啼。肩肩命僮御。晨裝儼已齊。將去復攜手。日高方
解攜。

薔薇架

清水驛

三

才調集卷第五

七

垂雲堂

五色堦前架。一張籠上被。殷紅稠疊花。半綠鮮明
地。風蔓羅裙帶。露英蓮臉淚。多逢走馬郎。可惜簾
邊思。

月暗

月暗燈殘面牆泣。羅纓斗重知啼溼。眞珠簾斷。蝙
蝠飛燕子。巢空螢火入。深殿門重夜漏嚴。柔

年急。君王掌上容一人。更有輕身何處立。

新秋

旦暮已淒涼。離人遠思忙。夏衣臨曉薄。秋影入簷。
長。前事風隨扇。歸心燕在梁。殷勤寄牛女。河漢正
相望。

贈雙文

豔極翻含怨。憐多轉自嬌。有時還暫笑。閑坐愛無。
憖。曉月行看隋。春蘇見欲消。何因肯垂手。不敢望。
迴腰。舞曲
二名

春別

幽芳本未闌。君去蕙花殘。河漢秋期遠。關山世路。
難。雲屏留粉絮。風幌引香蘭。腸斷迴文錦。春深獨。
自看。

和樂天示楊瓊

我在江陵少年日。知有楊瓊初喚出。腰身瘦小歌。
圓緊。依約年應十六七。去年十月過蘇州。瓊來拜。
問郎不識青衫玉兒何處去。安得紅旗遮頭白。我。
語楊瓊瓊莫語汝。雖笑我我笑汝。汝今無復小腰。

身不似江陵時好女。楊瓊爲我歌。送酒爾憶江陵縣中否。江陵王令骨爲灰。車來嫁作尚書婦。盧戡及第嚴澗在其餘。死者十八九。我今賀爾亦自多。爾得老成余白首。

楊瓊本名播少爲江陵酒妓去年姑蘇過瓊
敘舊及今見樂天此篇因走筆追書此曲

魚中素

重疊魚中素。幽緘手自開。斜紅餘淚跡。知着臉邊來。

代九九

二八八

才調集卷第五

九

垂雲堂

昔年桃李月。顏色共花宜。迴臉蓮初破。低蛾柳並垂。望山多倚樹。弄水愛臨池。遠被登樓識。潛因倒影窺。隔林徒想像。上砌轉逶迤。謾擲庭中果。虛攀牆外枝。強持文玉珮。求結麝香縈。阿母憐金重。親兄要馬騎。把將嬌小女。嫁與冶遊兒。自隱勤勤索。相要事事隨。每常同坐臥。不省暫參差。纔學羞兼如何言。寵便移青春。來易皎白日。誓先虧。僻性嗔來見。邪行醉後知。別床鋪枕席。當面指瑕疵。妾兒

應猶在。君情遽若斯。的成終世恨。焉用此宵爲。鸞
鏡燈前撲。鴛衾手下墮。參商半夜起。琴瑟一聲離。
努力新妝豔。狂風次第吹。

盧十九子蒙吟盧七負外洛川懷古六韻

命余和

默云

盧負外

洛川

洛川

聞道盧明府。閑行咏洛神。浪圓疑靨笑。波鬪憶眉
頰。蹀躞橋頭馬。空濛水上塵。草芽猶犯雪。冰岸欲
消春。寓目終無限。通辭未有因。子蒙將此曲。吟似

盧十九結

獨眠人

二方四二

才調集卷第五

十一

垂雲堂

劉阮妻二首

默云妻
或作山

仙洞千年一度開。等閑偷入又偷迴。桃花飛盡秋
風起。何處消沉去不來。

芙蓉脂肉綠雲鬟。晝畫樓臺青黛山。千樹桃花萬
年藥。不知何事憶人間。

桃花

桃花淺深處。似勻深淺粧。春風助腸斷。吹落白衣

裳。

暮秋

看著牆西日又沉。步廊迴合戟門深。棲烏滿樹聲
聲絕。小玉上床鋪夜衾。

壓牆花

鈍吟云此有所指
也却敘得纏藉

野性大都迷。里巷夔將高樹記。人家春來偏認平
陽宅。爲見牆頭拂面花。

舞腰

裙裾旋旋手迢迢。不趁音聲自趁嬌。未必諸郎知
曲悞。一時偷眼爲迴腰。

白衣裳二首

雨溼輕塵隔院香。玉人初著白衣裳。半含惆悵開
看繡。一朶梨花壓象床。

藕絲衫子柳花裙。空着沉香慢火熏。閑倚屏風笑
周昉。枉拋心力畫朝雲。

憶事

夜深閑到戟門邊。柳遶行廊又獨眠。明月滿庭池水深。桐花垂在翠簾前。

寄舊詩與薛濤因成長句

序在別卷

詩篇調態人皆有。細膩風光我獨知。月夜詠花憐暗澹。雨朝題柳爲教垂。長教碧玉藏深處。總向紅牋寫自隨。老大不能收拾得。與君閑似好男兒。

友封體

半調集卷第五

十二

垂雲堂

雨送浮涼夏簟清。小樓腰褥怕單輕。微風暗度香囊轉。朧月斜穿隔子明。檠燭焰高黃耳吠。柳堤風靜。紫騮聲頻頻聞動。中門鎖。桃葉知嗔未敢迎。

看花

努力少年求好官。好花須是少年看。君看老大逢花樹。未折一枝心已闌。

斑竹

得之湘流

一枝斑竹渡湘沅。萬里行人感別魂。知是娥皇廟

前物遠隨風雨送啼痕。

箏

莫愁私地愛王昌。夜夜箏聲怨隔牆。火鳳有皇求
不得。春鷺無伴轉空長。急揮舞破催飛燕。慢逐歌
詞弄小娘。死恨相如新索婦。枉將心力爲他狂。

春曉

半欲天明半未明。醉聞花氣睡聞鶯。娃兒撼起鐘
聲動。二十年前曉寺情。

才調集卷第五

十三

垂雲堂

春詞

深院無人草樹光。嬌鶯不語趁陰藏。等閑弄水浮
花片。流出門前賺阮郎。

所思二首

庾亮樓中初見時。武昌春柳似腰肢。相逢相失還
如夢。爲雨爲雲今不知。
鄂渚濛濛煙雨微。女郎魂逐暮雲歸。只應長在漢
陽渡。化作鴛鴦一隻飛。

離思六首

點庵云俱從離後
追思當日如此

殷紅淺碧舊衣裳。取次梳頭暗澹粧。夜合帶煙籠
曉月。牡丹經雨泣。殘陽低。迷隱笑原無笑。散漫清
香。不似香頻動。橫波嗔阿母。等閑教見小兒郎。
自愛殘粧曉鏡中。環釵慢篸綠絲叢。須臾日射燕
脂頰。一朶紅蘇旋欲融。

山泉散漫遶堦流。萬樹桃花映小樓。閑讀道書慵
未起。水精簾下看梳頭。

中詞集卷第五

十四

垂雲堂

紅羅著壓逐時新。吉了花紗嫩麴塵。點云吉了能言鳥名
色黃。宋本作吉了

後人妄改杏子不知杏
子紅色如何又說麴塵第一莫嫌村地弱些些。紕繆最宜

人。

曾經滄海難為水。除却巫山不是雲。取次花叢嬾
迴顧。半緣修道半緣君。

尋常百種花齊發。偏摘梨花與白人。今日江頭兩
三樹。可憐和葉度殘春。

雜憶五首

今。年。寒。食。月。無。光。夜。色。纔。侵。已。上。床。憶。得。雙。文。通。
內。裏。玉。櫳。深。處。暗。聞。香。

花。籠。微。月。竹。籠。煙。百。尺。絲。繩。拂。地。懸。憶。得。雙。文。人。
靜。後。潛。教。桃。葉。送。鞦韆。

寒。輕。夜。淺。遶。迴。廊。不。辨。花。幘。暗。辨。香。憶。得。雙。文。朧。
月。下。小。樓。前。後。捉。迷。藏。

山。榴。似。火。葉。相。兼。亞。拂。墀。堦。半。拂。簷。憶。得。雙。文。獨。
披。掩。滿。頭。花。草。倚。新。簾。

五十五

李詞集卷第五

十五

垂雲堂

春。冰。消。盡。碧。波。湖。漾。影。殘。霞。似。有。無。憶。得。雙。文。衫。
子。薄。鈿。頭。雲。映。退。紅。蘇。

有所教

莫。畫。長。眉。畫。短。眉。斜。紅。傷。豎。莫。傷。垂。人。人。總。解。爭。

時。勢。默云時勢猶云時樣都。大。須。看。各。自。宜。

襄陽為盧竇紀事五首

帝。下。真。符。召。玉。真。偶。逢。遊。女。暫。相。親。素。書。三。卷。留。

為贈從向人閒說向人

風弄花枝月照堦。醉和春睡倚香懷。依稀似覺雙
鬢動。潛被蕭郎卸玉釵。

鶯聲撩亂曙燈殘。覓金釵。動曉寒。猶帶春醒懶
相送。櫻桃花下隔簾看。

瑤璃波面月籠煙。暫逐蕭郎走上天。今日歸時最
腸斷。迴江還是夜來船。

花枝臨水復臨堤。閑照江流亦照泥。千萬春風好
擡舉。夜來曾有鳳凰棲。

初除浙東妻有沮色因以四韻曉之

鈍吟云何
以選此首

嫁時五月歸巴地。今日雙旌上越州。興慶首行千

命婦。余在中書日妻以郡君朝
太后于興慶宮猥為班首會稽旁帶六諸侯。海樓翡翠

翠閑相逐。鏡水鴛鴦暖共遊。我有主恩羞未報。君

于此外更何求。

會真詩三十韻

鈍吟云元相有古今
豔體一集本集不載

微月透簾櫳。螢光度碧空。遙天初縹緲。低樹漸葱
龍。龍吹過庭竹。鸞歌拂井桐。羅綃垂薄霧。環珮響
輕風。絳節隨金母。雲心捧玉童。更深人悄悄。晨會
雨濛濛。珠瑩光文履。花明隱繡籠。寶釵行彩鳳。羅
帔掩丹虹。言自瑤華浦。將朝碧帝宮。因遊李城北。
偶向宋家東。戲調初微拒。柔情已暗通。低鬟蟬影
動。迴步玉塵蒙。轉面流花雪。登床抱綺叢。鴛鴦交
頸舞。翡翠合歡籠。眉黛羞偏聚。朱脣暖更融。氣清
蘭藥馥。膚潤玉肌豐。無力慵移腕。多嬌愛斂躬。汗
光珠點點。髮亂綠蔥蔥。方喜千年會。俄聞五夜窮。
留連時有限。繾綣意難終。慢臉含愁態。芳詞誓素
衷。贈環明運合。留結表心同。啼粉留清鏡。殘燈遶
暗蟲。華光猶冉冉。旭日漸瞳瞳。警乘還歸洛。吹簫
亦止默云止。嵩衣香猶染麝。枕膩尚殘紅。羃羃臨塘
草。飄飄思緒默云緒。蓬素琴鳴怨鶴。清漢望歸鴻。海

闢誠難度。天高不易沖。行雲無處所。簫史在樓中。

鄭谷十一首

登杭州城

故國江天外。登臨返照間。潮來無別浦。木落見他山。沙鳥晴飛遠。漁人夜唱閑。歲窮歸未得。心逐片帆還。

曲江春草

花落江堤簇。暖煙雨餘草。色遠相連。香輪莫碾青。

一八六

李調集卷第五

十八

垂雲堂

青破留與愁人。一醉眠。

十日菊

節去蜂愁蝶不知。曉庭還遶殘枝。自緣今日人心別。未必秋香一夜衰。

淮上漁者

白頭波上白頭翁。家逐船移浦浦風。一尺鱸魚新釣得。兒孫吹火荻花中。

弔故禮部韋貞外

序

臘雪初晴共舉盃。便期携手上春臺。高情唯怕酒
不滿。長慟可悲花。正開曉。真鴛啼。殘漏在。風幃燕
覓舊巢來。杜陵芳草年年綠。醉魄吟魂無復迴。

席上貽歌者

花月樓臺近九衢。清歌一曲倒金壺。座中亦有江
南客。莫向春風唱鷓鴣。

淮上與友人別

楊子江頭楊柳春。楊花愁殺渡江人。數聲風笛離
亭晚。君向瀟湘我向秦。

雪中偶題

默庵云宛
然足題

亂飄僧舍茶煙溼。密灑歌樓酒力微。江上晚來堪
畫處。漁人披得一蓑歸。

鷓鴣

暖戲平蕪錦翼齊。品流應得入山雞。雨昏青草湖
邊過。花落黃陵廟裏啼。遊子乍聞征袖溼。歌人纔

唱翠眉低。相呼相喚。湘江浦。苦竹鼓深春日西。

京師冬暮詠懷

覓句干名祇自勞。苦吟殊未補風騷。煙開水國花期近。雪滿長安酒價高。舊業已荒青藜逕。寒江空

默云咏懷

憶白雲濤。不知春到情何限。惟恐流年損鬢毛。

趙璘郎中席上賦得蝴蝶

尋豔復尋香。似閑還似忙。暖煙沉蕙徑。微雨宿花房。書幌輕隨夢。歌樓慢採粧。王孫深屬意。繡入舞

才調集卷第五

二

垂雲堂

衣裳

秦韜玉八首

長安書懷

涼風吹雨滴。寒更鄉思欺。人撥不平長。有歸心懸馬首。可堪無寐枕。蛩聲嵐收楚岫。和空碧。秋染湘江。到底清蚤。晚身閑。着蓑去。橘香深處釣船橫。

春雪

鈍吟云末

句感慨

點云春雪

雲重寒空思寂寥。玉塵如糝滿春朝。春雪片才著地輕。輕陷力不禁。風旋旋消。惹砌任他蝴蝶妬。縈鼓自學小梅嬌。誰家醉卷朱簾看。絃管堂深暖。易調。春

對花

長共韶光暗。有期可憐蜂蝶。却先知。誰家促席臨。低樹何處橫。釵戴小枝。麗日多情疑。曲照和風。得路合偏吹。向人雖道。渾無語。幾勸王孫。到醉時。

貧女

蓬門未識綺羅香。擬託良媒益自傷。誰愛風流高格調。共憐時世儉梳粧。敢將十指誇偏巧。不把雙眉鬪畫長。最恨年年壓金線。為他人作嫁衣裳。

鸚鵡

每聞別鴈競悲鳴。却向金籠寄生。蚤是翠衿爭愛惜。可堪紅嘴強分明。雲漫隴樹魂斷。歌按秦樓夢不成。幸自襴衡人未識。賺他為賦被時輕。

織錦婦

桃花日日覓新奇。有鏡何曾及畫眉。祇恐輕梭難
作疋。豈辭織手遍生胝。合蟬巧。閒雙盤。帶聯鴈。斜
銜小。折枝豪貴大堆酬。曲徹豈知辛苦一絲絲。

獨坐吟

客愁不盡本如水。草色含情更無已。又覺春愁似
草生。何人種在情田裏。

咏手

一雙十指玉纖纖。不是風流物不拈。鸞鏡巧梳勻

二首

多調集卷第五

三

亞嘯雲室

翠黛畫樓開。望擘珠簾金盃有喜。輕輕點點。默云梁人詩
云酒中桃喜

子意是酒面浮溢也。此云金盃有喜。應同此意。
今玉臺新詠。桃喜子誤作喜。桃子愈不可解矣。
因把剪刀嫌道冷。泥人呵了弄人髻。

紀唐夫一首

贈溫庭筠

何事明時泣玉頻。長安不見杏垣春。鳳皇詔下雖
露命。鸚鵡才高却累身。且盡綠醽銷積恨。莫辭黃
綬拂行塵。方城若比長沙路。猶隔千山與萬津。

雍陶一首

鷺鷥

雙鷺應憐水滿池。風飄不動頂絲垂。立當青草人先見。行傍白蓮魚未知。一足獨拳寒雨裏。數聲相叫蚤秋時。林塘得汝須增價。況與詩人物色宜。

劉禹錫十二首

鈍云
再見

鈍吟云不
甚取夢得

自朗州至京戲贈看花諸君子

言四

才調集卷第五

二十三

垂雲堂

鈍吟云託喻
亦傷刻薄

紫陌紅塵拂面來。無人不道看花回。玄都觀裏桃千樹。盡是劉郎去後栽。

再遊玄都觀

百畝中庭半是苔。桃花淨盡菜花開。種桃道士歸何處。前度劉郎今復來。

聽舊宮人穆氏唱歌

曾隨織女渡天河。記得雲間第一歌。休唱正元供

奉曲。當時朝士已無多。

楊柳枝詞三首

花萼樓前初種時。美人樓上鬪腰支。如今拋擲長街裏。露葉如啼欲向誰。

煬帝行宮汴水濱。數株殘柳不勝春。晚來風起花如雪。飛入宮牆不見人。

城外春風吹酒旗。行人揮袂日西時。長安陌上無窮樹。惟有垂楊管別離。

二六

才調集卷第五

二十四

垂雲堂

竹枝詞三首

城西門前豔瀨堆。年年波浪不曾摧。懊惱人心不如石。少時東去復西來。

瞿塘嘈嘈十二灘。此中道路古來難。長恨人心不如水。等閑平地起波瀾。

楊柳青青江水平。聞郎江上唱歌聲。東邊日出西邊雨。道是無晴還有晴。

寄樂天

莫嗟華髮與無兒。却是人生久遠期。雪裏高山頭。
白蚤海中仙。果子生遲于公。必有高門慶。默云兩高字有自高使之
高之別當時若不謝守何煩曉鏡悲。幸免如斯分非淺。祝
自註後人亦不曉君長詠夢熊詩。

鸚鵡

隴西鸚鵡到江東。養得經年嘴漸紅。常恐思歸先
翦翅。每因餒食暫開籠。人憐巧語情雖重。鳥憶高
飛意不同。全似貴門歌舞妓。深藏牢閉在房中。
鈍云應

才五十二

才調集卷第五

十五

垂雲堂

和樂天送鶴

昨日看成送鶴詩。高籠提出白雲司。朱門乍入應
迷路。玉樹容棲莫揀枝。雙舞庭中花落處。數聲池
上月。明時三山碧海未歸去。且向人間呈羽儀。

白居易八首

鈍云再見

送鶴上裴相公

鈍吟云此又選小律詩却甚略

鈍吟云比興愈厚

司空憐爾爾須知。不信聽吟乞鶴詩。羽翼勢高寧
惜別。稻梁恩厚莫愁飢。夜棲少共雞爭樹。曉浴先
饒鳳占池。穩上青雲莫迴顧。的應勝在白家時。

王昭君

鈍吟云終
是小兒語

漢使却回憑寄語。黃金何日贖蛾眉。君王若問妾
顏色。莫道不如宮裏時。

邯鄲至除夜思家

三十四

才調集卷第五

二六

垂雲堂

邯鄲驛裏逢冬至。抱膝燈前影伴身。想得家中深
夜坐。還應說著遠行人。

題王侍御池亭

未門深鎖春池滿。岸落薔薇水浸莎。畢竟林塘誰
是主。主人來少客來多。

藍橋驛見元九詩

藍橋春雪君歸日。秦嶺秋風我去時。每去驛亭先
下馬。循牆繞柱覓君詩。

聞龜兒咏詩

憐渠已解詠詩章。搖膝支頤學二郎。莫學二郎吟太苦。纔年四十鬢如霜。

同李十一解元憶元九

花時同醉破春愁。醉折花枝當酒籌。忽憶故人天際去。計程今日到梁州。

憶晦叔

遊山弄水攜詩卷。看月尋花把酒盃。六事盡思君作伴。幾時歸到洛陽來。

武元衡二首

荆帥

金貂再入三公府。玉帳連封萬戶侯。簾卷青山巫峽曉。雲凝碧岫渚宮秋。劉琨坐嘯風生浦。謝眺裁詩月滿樓。白雪調高歌不得。美人南國翠蛾愁。

送張諫議赴闕

詔書前日下丹霄。頭帶儒冠脫皂貂。笛怨柳營煙

漠漠雲愁江館雨蕭蕭鷓鴣鴻得路爭先翥松檜凌
霜貴後凋歸去朝端如有問玉門關外老班超

才調集卷第五



